



**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

Sectio XVII. Accomodatio Notarum Superiorum ad Sententias atque usus  
Gallicanos.

---

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

## SECTIO XVII.

*Accommodatio Notarum Superiorum ad SENTENCIAS atque USUS GALLICANOS.*

**E**T si facillimum sit *Notas* præcedentes circa Concilia Generalia, applicare Sententiis atque Usibus Gallicanis; tamen operæ pretium erit aliquot afferre exempla hujus applicationis in certis capitibus, quibus illa facilior evadet in reliquis: iis verò, qui parùm cognoscunt eos Usus, ad eos plenius discendos invitabuntur. En igitur exempla per modum Observationis.

Eadem loca, quæ docent, Imperatores, per *Novem Sæcula*, convocasse Concilia Generalia, probant, Principes non injuria sibi vindicare facultatem; 1. Convocandi Concilia Particularia ditionis sua, 2. Impediendi, ne Episcopi ejusdem ditionis ullum, finè licentia sua, Conventum habeant: 3. Impediendi, ne idem Episcopi è finibus suis egrediantur, ad commendum ad Concilia, extrà eisdem fines convocata, sine sua participatione; nam rationes, quæ militant pro Imperatoribus, Principibusque favent. Hæ sunt 1. Quod ii, quos convocabant, subditi ipsorum erant. 2. Quod ipsorum referret, ut Ecclesia pacaretur; quia turbæ circa Religionem, sèpè discordias gignunt, circa Imperium. 3. Quod erant Proteciores Religionis, quibus incumbebat circa eam in statu optimo conservare; quod fit per Concilia. Porrò, manifestum est has valere erga Principes, quoad tria jura prædicta, idèo, quod Conclia Particularia, quæ in illorum ditionibus habentur, ex eorum subditis componuntur: quod controverxiæ circa Religionem non minus Regnum, quam Ecclesiam labefactent; & quod Dignitas Principum non minus eos faciat Tutores Ecclesie, quam olim erant Imperatores.

Jus assignandi Locum celebrationis Conciliorum, & Tempus præficiendi, accessorum est juris ea convocandi: unde sequitur, testimonia, quæ probant Imperatores Orientis assignavisse Locum, & Tempus celebrationis Conciliorum Generalium, ostendere quoque, Principes idem posse erga Concilia Particularia Nationis sua. Porrò, in Conciliis in Gallia habitis, maximè sub *secunda Regum progenie*, cernitur, eos quintuplici hoc jure potitos esse erga Concilia Particularia, sicut Imperatores olim erga Concilia Generalia. Probationes referuntur in nostris Questionibus Historicis, circa Concilia Nationalia. Plures earum retulit D. DE MARCA in suis Libris de Concordia.

Quemadmodum Imperatores, utendo jure determinandi Locum celebrationis Conciliorum, quædam habuere in Palatio suo; qualia sunt *Quintum, Sextum*, & quod dicitur *Quini-Sextum*, ita plures Galliæ Reges Concilia Particularia Regni sui habuere in Palatio suo; talia sunt *Vernenſe, Verberienſe, Compendienſe, Aquisgranenſe*. Multæ rationes suadent Præsidentiam Concilii Nicæni, quam habuit Os̄us Cordubensis, ipſi delatana fuisse per electionem Concilii cum benefacito Imperatoris; neque enim credimus eum fuisse Legatum Pontificis. 2. Non habuit Præsidentiam ratione sedis sua; cùm Episcopus foret tantum, & Concilium non haberetur in ejus Diœcesi. Porrò, exemplum hoc favere videtur Gallicano usui, circa Præsidentiam electivam Conciliorum Cleri.

Quot probationes attulimus assistentia per Procuratorem in Conciliis Generalibus, tot habemus fundamenta moris Cleri Callicani assistendi Comitiis per Procuratorem: nam Deputati, tam primi, quam secundi Ordinis, nihil aliud sunt, quam Procuratores Provinciae sua. Quod relatum fuit de modo opinandi per Nationes, in quibusdam Conciliis Generalibus usurpatum, simile est usui eorumdem Comitiorum, opinandi per Provincias. Cir-

cum *Opiniones*, & *Subscriptiones* Conciliorum Generalium, notavimus, quod, ex earum dispositione, noscatur Ordo Sessionis Patrum, quem Dignitati respondere probavimus. Porrò, hunc Ordinem partim sequuntur subscriptiones Comitiorum, nam Archiepiscopi semper & ubique præcedunt Episcopos. Loquendo de *Actis* Conciliorum, multa observavimus, quæ perfectè congruunt Relationibus Comitiorum Cleri, ita, ut hæ videantur disposita juxta methodum Actorum Conciliorum Orientalium, quæ divisa erant in *Actiones* aut *Collationes*, in quibus ea reperiuntur, quæ in eis gesta, aut dicta fuere, Instrumenta, quæ fuerunt lecta, Orationes, quæ habita fuerunt, denique Opiniones Patrum: Relations autem Comitiorum in Sessiones distribuuntur, quæ nonnisi nomine differunt ab Actionibus aut Collationibus. In singula Sessione cernuntur ipsius gesta, cum Orationibus, Concionibus &c. habitis, Instrumentis, quæ lecta, Questionibus, quæ proposita fuere, denique Opinionibus Deputatorum.

Quod observatum fuit circa Confirmationem Decretorum Conciliorum Generalium à Pontifice petitam, applicare sententiis Gallicanis supersedemus; quia id jam eo loco præstimus, dicendo, Ecclesiæ, quæ arbitrantur Concilium Generali esse suprà Pontificem, debere consequenter tenere, quod Decreta Conciliorum Generalium non indigent confirmatione Pontifica; Ecclesiam, porrò, Gallicanam, ex earum numero esse. Adjecimus, earum sententiam confirmari per proxim omnium Conciliorum Generalium, excepto *Tridentino*, quod unicum petiri à Pontifice confirmationem definitionum & Decretorum suorum. Verum hanc applicationem, ejusque fundatum hic refruiſſe haud erit inutile. Observabimus præterea, quod, Patres Tridentini qui petierunt confirmationem Pontificiam, id fecerunt ex mero obsequio; nam historia hujus Concilii docet eisdem Episcopos Hispanos, sedi Apostolicae devotissimos, putavisse, Concilium esse suprà Pontificem, ita, ut quidam eorum id à Concilio declarari statuerint. Petri Suavis Hist. lib. 5. pag. 403. Vel, si alia fuerit causa istius rogationis, quod ea facta sit postquam plures ex Doctissimis & veritatis studiosissimis discesserint.

Quoad *Acceptationem*, jàm notavimus Tit. IV. Concilium Bafileenſe agnovisse iustitiam & veritatem Sententiarum & Usuum Gallie, juxta quos nulla datur autoritas Decretis Conciliorum Generalium, priusquam illa recepta ac promulgata fuerint; hoc unum adjecimus, testimonia suprà relata de praxi Sæculorum priorum circa hanc rem, easdem Sententias confirmare.

## APPENDIX circa præcedentes Notas.

## SECTIO I.

*Confirmatio sententiarum D. DE MARCA circa Libertates Ecclesie Gallicane iniquè impugnatarum.*

CUM, in suscepto Opere, de propugnandis Ecclesiæ Gallicane Libertatibus unice agatur, inutile est respondere cavillationibus Criticorum, circa originem Librorum de *Concordia Sacerdotii & Imperii*, methodum eorum artificialam. Etsi enim hæc falsa esse ostenderent, nihil præsidii Libertatibus accederet, sicut ab earum firmitate nihil detraetur ibit, quamvis ea extrinseca vera esse confiteri cogerer. Satis superque autoritatis habent à se ipsis Libertates, nec ab eorum, qui eas

defen-